

**EPHEMERIDES 2.
OBSERVATIONU
M PHISICO-
ANATOMICO-
MEDICARUM IN...**

Galgano Petrucci



VIR EXCELLENTISSIME.

Cogitanti mihi, qui benevolentia, beneficiis, & auctoritate apud me plurimum possunt, eos esse a me omnes excolendos honore, & amore prosequendos juxta illud Ci-

cæronianum (1) De benevolentia autem, quam quis habet erga nos, primum illud est in officio, ut ei plurimum tribuamus, a quo plurimum diligimur; statim obversa-
te sunt animo plurima illa, maximeque tua virtutes, VIR EXCELLENTISSIME, quas ego ab initio studiorum meorum ad me-
dicam artem pertinentium, Auditor tuus in te docente potissimum admiratus sum. Et re
quidem vera me tibi plurimum debere lu-
bentissime fateor. Hæret enim adhuc, hære-
bitque, dum vivam tua illa in humani cor-
poris economia tam diserte, copioseque ex-
plananda doctrina præstantia, tuæque hu-
manitatis, ac benevolentia memoria, quibus
me supra ceteros tuos Auditores semper cu-
mulaſti. Tua igitur hæc humanitas, ac be-
nevolentia, suavissimique tui mores cum sum-
ma rerum medicarum scientia conjuncti, me
ita devinxerunt, ut eas modo tibi pro viri-
bus grates referre cogitaverim, cum me non
lateat qualem de te opinionem habuerint,
cum tui mentionem fecerint Cocchius, Tar-
gionius, Hallerus, alique in re medica
Clarissimi Viri. Accedit, & illud, quod Ana-
lyſim meam de Aquis mineralibus Clancea-
uensibus nuper editam, non solum auctori-
tate tua tamquam absolutum opus probaſti,
sed laudibus etiam fortasse immeritis nun-
quam

(1) Cic. 1. Off. 47.

quam non exornasti. Cum itaque tot beneficiorum vinculis me tibi obstrictum, agnoscam, excipe quaeso (etsi modestia me tua prohibet) **VIR EXCELLENTISSIME**, ea qua soles propensa in me benignitate hoc alterum opusculum meum argumentum firmissimum, atque sincerum existimationis, & observantiae erga te meae, tibi que persuade, adulationem, tamquam pestem omnium maximam in amicitiiis Tullio duce (1) me quoque semper existimasse, quidquid incassum garriant malevoli. Quod si compta illa styli elegantia, quam tu semper amasti ad hasce meas observationes perlegendas fortasse non alliciet, haec tamen, ut ego auguror, rerum quas continent utilitate compensabitur. Vale.

1. The first step in the process is to identify the problem or issue that needs to be addressed. This involves gathering information and understanding the context of the problem.

2. Once the problem is identified, the next step is to define the objectives and goals of the project. This helps to clarify what needs to be achieved and provides a clear direction for the team.

3. The third step is to develop a plan or strategy to address the problem. This involves breaking down the problem into smaller, manageable tasks and determining the resources needed to complete each task.

4. The fourth step is to implement the plan. This involves putting the strategy into action and monitoring progress regularly to ensure that the project is on track.

5. The final step is to evaluate the results of the project. This involves comparing the actual outcomes with the objectives and goals to determine the effectiveness of the project and identify areas for improvement.



§. I.

Vix septem post dies mensis Februarj, quibus ob aeris quamdam tepentem, & placidam constitutionem pleuritides jam omnino quiescere videbantur, iterum spirante aquilone austri-
na tempestate sequuta, frigida, atque humida mox ingruens cœli temperies aggressa est.

Hyemali tempore mensis Februarj cæteros superavit & aeris inconstantia, & frigoris rigiditate: thermometrum enim ad punctum 0 diebus 15. 16. & 17. descendisse adnotavimus, hinc alterna vice ad gradus 5. 6. & 7. pervenire eadem die admirantes adspeximus. Hinc nives, hinc pluviae sequutæ, hinc frigus calorem excepit, & tepori frigus successit. Tussēs ubique numerosiores grassabantur, & Pleuritides, & Peripneumoniæ in Nosocomio apparuere, & diebus 16. 17. & 18. quinque Rustici pleuritide maligna, & biliosa laborarunt prædicente Frid. Hoff. (1) qui in tanta aeris vicissitudine semper idem observasse nobis tradidit.

Mali moris fuere pleuritides, pessimisque symptomatibus stipatæ; jacebant enim ægroti viribus deperditis, facie Hyppocratica, & signa præseferebant ejusdem illius biliosæ pleuritidis a celeb. viris Bianchi (2) Valcarengio (3) Tissot (4) nobis descriptæ.

A 4

In

(1) Frid. Hoff. hist. cor. hum. § 399. Idem in med. rat. syst. T. IV. Sec. I. P. I. Cap. X.

(2) Bianchi hist. opar. P. III.

(3) Valc. med. rat.

(4) Tissot de pleuritide bil.

In curatione horum morborum eadem methodo, quam mense Januarij adhibuimus usi non sumus; sanguinem detraximus verum parce: hic induit crustam polyposam, & post primas evacuationes rarum & dissolutum vidimus uti Huxam (1) observavit, & Pringlius (2).

A fomentis, & resolventibus anodinis initium curationis instituimus approbante Hyppocrate (3): iteratas sanguinis detractiones non jussimus, consilia sequentes magnorum in re medica virorum, & Baglivi (4); qui in morbis hujus sanguinem non detrahebant.

Idem experimentis confirmarunt Fernelius, Duretus, Prosperus Martianus, Glafs, Valcaren-gus, & Juncher; quamobrem solum decoctis aperitivis, & medicamentis bilem attenuantibus, & educantibus hos morbos oppugnare incepimus. Tres superati sunt, verum duobus ægrotis eodem morbo detentis nobis non datum fuit auxiliari; pulsus enim in majorem crebritatem mutati læthalem peripneumoniam annunciantes, restantibus summis viris Galeno (5) Huxam (6), & Swetenio (7) brevi interitum ægrotis attulerunt.

Illi Septimo morbi die læthargici facti sunt, & sic omnibus irritis auxiliis, ventris solutione oborta, vera pulmonia læthargica, nobis ab Hyppocrate (8) descripta, occubuerunt.

Similem nobis tradidit Ballonius (9) eventum funestam pleuritidem; & ambo hi maximi viri in istis casibus valde exiguum vitæ spem esse affirmarunt.

Signa

- (1) Huxam de angina maligna.
- (2) Pringle sup. mem. VII. c. 45.
- (3) Hyp. de vic. acut. n. 11.
- (4) Bagl. lib. I. Cap. IX. app. ad pleur.
- (5) Gal. de caus. puls. lib. IV. cap. VIII.
- (6) Hux. essai sur le fiev. cap. IV. des pleur. p. 285.
- (7) Van-sw. com. in Boer. aph. §. 890.
- (8) Hyp. lib. III. de morb. p. 5. & lib. II. epid. p. 78.
- (9) Ball. cons. 45. T. I. pag. 157.

9

Signa, & notas charateristicas pleuritidis bilio-
sæ a sanguinea omnino absumilis a libris Hypo-
craticis (1) hausimus, & e sputi forma probe
cognovimus: etenim primum flava, & rufa, dein-
de pallida, & nigra expuebant ægri. Idem nos docuit
Alexander Trallianus (2), & inter antiquiores
Avicenna (3), quamobrem aliam curationem in
curandis istis pleuritibus instituimus Bianchi (4) &
Guidetti (5) id edocentibus.

Quomodo vero bilis inflammationem pecto-
ris, & cætera symptomata læthalia producat me-
dici differuerunt, & inter cæteros Fridericus Hoff-
mannus (6) nobis edixit bilem amurcaceam, &
æruiginosam posse visceribus maxima afferre dam-
na, & nos experientia edocti sumus; bilem, quæ
vomitu ejecta est a pleuriticis biliosis tæniarum frag-
menta erodere, uti supra laudatus Hoffmannus ob-
servavit (7), atque etiam ventriculum perforare
observante Borrichio, (8) supra lateres coctos ebul-
lir emonente Borellio, (9) duodenum, stomachum-
que exulcerare, uti docet Bianchi (10) celeberrimus,
& diligentissimus observator, & uti nos in-
nonnullis hominibus biliosa pleuritide extinctis
alias observavimus.

Has observationes tuetur & ipse Swetenius (11)
dixit enim, *si vero bilis vel copia aucla, vel inci-
piente putredine peccet corrumpit omnia, & morbos*
actu-

(1) Hyp. lib. III. de morb.

(2) Tral. lib. II. cap. III.

(3) Avic. lib. III. fen. 10. Tra. 4. cap. VI.

(4) Bianchi hist. epat. part. III.

(5) Guid. diff. de pleur. bil.

(6) Frid. Hoff. diff. de bil. ven. nost. corp. §. 16.

(7) Idem in diff. de duod. mult. morb. caus. n. 3.

(8) Aët. med. Haff. T. III. obs. 36.

(9) Bor. cent. II. obs. I.

(10) Bianc. hist. hepat. p. III. pag. 110.

(11) Sw. Com. in Boer. aph. §. 84.

acutissimos omnia putrefaciētes excitat; & Petrus a Casiro (1) quædam enarrat symptomata a bile corrupta ortum ducentia, quæ optime nostris pleuriticis conveniebant.

In nostris ægrotis alvus soluta erat septimo morbi die, dejectiones putridæ, biliosæ, & graveolentes: sanguis extractus post primas evacuationes, dissolvebatur; levia deliria, lachrymæ involuntariæ, rubores in genis pleuriticos comitabantur, & sic XIII., aut XV. morbi die duo occubuerunt. Sic etiam observavit Ballonius (2).

Tres vero, qui cito antisepticiis usi sunt, & nobis obtemperantes curationem lenibus evacuantibus libenter recepere, septimo morbi die melius se habebant, his nec alvus fuit soluta, nec sputum suppressum; nec læthargo, nec virium jactura oppressi sunt; quamvis vero dolorem in collis intensiorem persentirent.

Aculeum illud ita a doctissimo Senac (3) nuncupatum, dolorem, & inflammationem atterens magis magisque ita increbuit, & unus ex istis æger incurvatim jacens costas respiratione non moveret, furtive respirans, & sic a solo diaphragmate tota respiratio committebatur, observantibus summis in re anatomica viris Wislowski (4), & Hallero (5). Verum solis decoctis papaveratis cito sedavimus innixi Arætei (6) & Galeni (7) auctoritati.

Probe novimus illustrium medicorum contrarias, & obversantes auctoritates, & præsertim

gl.

(1) Petr. a Cast. in descrip. pestis Neap. ann. 1656. & 1657.

(2) Ball. Hb II. epid. pag 78.

(3) Sen. struc. du cœur. lib. IV. cap I. § 15.

(4) Will. mem. des acc. des scien. ann. 1738. pag 86.

(5) Hall. Phys. lib VIII. sec. IV. § 6.

(6) Aræt. de cur. morb. ac. l. I. cap IX.

(7) Gal. com. I. in lib. Hyp. de vic. rat. n. 33.

el. Trilleri, & Friderici Hoffmanni, qui opiato-
rum usum in sedandis vehementibus pleuritico-
rum doloribus mirum in modum damnaverunt;
at nos in tribus pleuriticis maximo fuisse auxi-
lio experti fuimus more Huxamiano (1), & do-
mini De-Haen (2).

Fortasse nonnulli arbitrabuntur nos pleuriti-
des, quæ hoc mense in Nosocomio apparuere, con-
fundere cum illis, in quibus juxta Ballonii (3)
effatum phlebotomia erat inutilis, & noxia etiam,
& uti nobis descripsit Manardus (4): probe illas
a nostris notis charateristicis distinximus, quas nobis
tradit Etmullerus. Sanguinem detraximus, sed non
copiose, camphoratis remediis usi sumus, papave-
rata remedia cum lenibus evacuantibus adhibui-
mus docente De-Haen (5), & pleuritici biliosi
pristinam sanitatem adepti sunt, exceptis duobus,
qui neglecta nostra curatione erespellate pulmone
tumescente, uti audies in sectionis descriptione,
Hypocrate (6) prædicente diem obiere supremum.

§. II.

Quod notatu dignum adspeximus, audi Vir
Excellentissime, & meditare quæso, quomodo
pleuritis gravissima judicata est sola naturæ vi, &
conatu; quam historiam profecto nemo Pra-
ticorum descripsit, & memoriæ Medicorum man-
davit, uti nobis usque adhuc innotuit.

Rusticus annorum circiter 40. a pleuritide
corripitur, jacens in Nosocomio sæpe sæpiusque
querebatur de lateris dolore sævissimo, & sensu
ponderis in sinistrali thoracis parte. Erat febris acu-
ta,

(1) Hux. de aer. & morb. epid. ann. 1731. pag. 64.
Idem essay sur le fiev. cap IV. des pleur. pag. 110.

(2) Haen rat. med. T.I. cap. II. part. XIII.

(3) Bal. T.I. epid. p. 13.

(4) Man. ep. V. l. XII.

(5) De-Haen loc cit.

(6) Hyp. de inte. aff. n. 8. pag. 129.

ta, spiritus frequens, & calidus, uti dixit Hippocrates [1], anxietas, & jactatio: tussis vehemens, gravia pulsum vitia, & sputa pauca, & livida: alvus solvebatur crebrius, & copiosius quam oporteret, quamobrem juxta Hippocratis [2] prædictiones alvi profluvium, malum pronuntiavimus.

Interim nisi erecta cervice spirandi necessitas erat, & cum proximus morti videretur, Baglivio [3] prædicente, valde tumens apparuit tumor in musculo pectorali dextro, qui paucis diebus suppuravit, & magna puris copia ejecta est. Continuo æger se in melius habere coepit, & absque ullo artis auxilio perfecte convalescit.

Hanc observationem Baglivius [4] adumbravit, & Thomas Willisius [5] & Ludovicus Duretus [6] similia exempla narrant abscessuum icthororum in pleuritibus supervenientium, qui in thorace effusi sunt, & per sputa purulenta repurgati, verum externe sic oborti illæsa pulmonum substantia pauca, aut nulla exempla apud Medicos leguntur.

Credimus profecto hanc saniosam materiem in pulmone colligendam, ibique vomicam pulmonarem producendam, aut saltem, quod notavit in praxi medica versatissimus Baglivius [7], & sic empyema foetens oriri debere, uti descripsit Petrus Forestius [8] evenisse in muliere, cui pleuropneumonia in vomicam pulmonarem degeneravit, nisi natura hac via a tanta labe pulmones non liberasset.

(1) Hyp. de mor. I III. n. 16.

(2) Hyp. sec. 6. aph. 16.

(3) Bagl. de pleur. § 1.

(4) Bagl. de cris. & dieb. cr. § 1. pag. 34.

(5) Wil. pharm. rat. pag. 2. sec. 1. cap. X. pag. 116.

(6) Dur. in coac. Hyp.

(7) Bagl. prax. med. lib. I. cap. IX. pag. 35.

(8) For. obs. med. lib. XVI. obs. 41.

set, ejus dira exempla leguntur apud Dur-
tum (1) & in Swetenio [2].

Hanc pulmonis illæsiõnem facile erat in no-
stro pleuritico prædicere. Tantis enim sympho-
matibus supra enarratis vexatus, in dextro, si-
nistroque latere æque poterat decumbere cum
Aræteus sentiat [3] a pondere, & suspensione,
& phlegmone in omnes membranæ continuas
partes decubitus difficilem esse.

Coelius Aurelianus (4) hanc explicationem
nobis tradidit, & cl. Morgagnus [5] melius hanc
sententiam elucidavit in epistolis Anatomicis me-
dicis, quamobrem pulmonis substantiam sanam
neque tam facilem esse ad purulentas collectiones ef-
formandas conjicere nobis licuit ætente Hypo-
cratis [6] prognostica considerantibus, & clar.
Swetenii (7) doctrinam recte existimantibus.

Pus eductum bonas profecto notas semper
habuit, semperque album, leve, & æquale fuit,
& nullo modo foetens: optime succedit curatio
juxta Hippocratis [8] prædictiones, & uti ani-
madvertit Coelius Aurelianus [9].

§. III.

Sed jam de morbis acutis hætenus, nunc de
chronicis nonnulla dicemus.

Venit in Xenodochium lienosus annorum fe-
re 34., qui diu multumque in aere crasso, & pa-
ludoso versatus, post diuturnam febrem intermit-
tentem lienem habuit mole auctum.

Tumor

(1) Dur. Com. in coac. Hyp. pag. 310., & 311.

(2) Swiet. Com. in Boer. aph. §. 836. 844. 848.

(3) Aræt. morb. ac. l. I. cap. X.

(4) Aur. acut. morb. l. II cap. XVI. n. 98.

(5) Morg. epist. anat. med. XX. T. I. art. 42.

(6) Hyp. prog. Chart. T. VII. pag. 650.

(7) VaaSw. Com. in. Boer. aph. §. 835.

(8) Hyp. aph. 44. scilicet VII.

(9) Aur. morb. cron. l. V. cap. X. pag. 550.

Tumor lienis fere totum hypocondrium replebat; & sic adhuc intumuerat, ut laterem tractate diceres.

Prima hydropis signa jam apparuerant in pedibus tumefactis, & edematosis prædicente Hypocrate [1], urinæ paucæ, & rufæ; tumor lienis mirum in modum auctus, & elatus; febris quartana aderat, & paucis transactis diebus intermittente, & quotidiana laboravit; quamobrem optime dixit Hypocrates, *morbis idest splenis tumor fit cum ex febris, & mala curatione bilis, aut pituita, aut ambo in splenem incubuerint.*

Hujus phœnomeni explicationem cel. Morgagnus [2] nobis tradidit, & quomodo id evenire possit Aëtius [3] scripsit: lapsum enim per se viscum & cellulolum, ex quo lentus est sanguinis reditus, uti patet ex physiologicis maxime oportum est tumoribus, præsertim si diuturno morbo ejus viribus infirmatis, & sanguine inertis facto in lienis cellulis relinquuntur, quæ aut corrigi, aut eicj extra corpus debuissent; sicque reditus sanguinis obstruitur, & magis magisque illæ distenduntur, & infirmiores evadunt, quamobrem quæ deinceps influunt, magna ex parte retinentur: sicque obstructio, & distentio.

Ad tantam lienis obstructionem referendam, antimonium crudum adhibuimus, memoriæ mandantes Moscatum insignem Mediolanensem medicum lienosum alium curasse hoc auxilio, uti videre est in collectione opus. med. prat., quam typis mandat (4) Doctor Aloysius Targionius Florentinus, medicorum juvenum vere decus, & ornamentum; & revera curationem integram obtinimus.

(1) Hyp. in lib. præd. II. n. 42.

(2) Mor. epif. an. med. XXXVI. art. 18.

(3) Aët. terr. 3. ferm. 2. cap. XVI.

(4) Tar. vol. III. pag. 188.

15
nuimus admixtis cum antimonii crudi gr. X., sa-
ponis veneti drac. j. & extr. mart. scr. j.

Nos non fugiebat cl. esse viros, qui arsenica-
les veras particulas (1) in antimonio contendunt,
& meminimus hitoriae præcl. Henschelii [2], qui
ab antimonio funestos vidit effectus, & tartarum
emeticum, quod ab antimonio preparatur cum
Jacobus Felix [3] dedisset cani, & vomentem
adhuc aperuisset, maximam ad pylorum inflam-
mationem per aliquod pollicum spatium vidit.

His exemplis perterriti diu hæsimus; at tan-
ti viri auctoritati innixi antimonium imperavimus.
Ab eodem assumpto nihil mali, & nullum saluti
detrimentum evenisse observavimus. Pillulis anti-
monialibus usus est diebus 7. alterna vice noctes
lienosus, & quod mirabile est cito lien absque
ulla sensibili evacuatione detumuit, & in statum
naturalem redactus est: febres evanuerunt, urinæ
copiosiores ejiciebantur, & citrinæ, & bene co-
loratæ apparuerunt; sic optime convaleuit: sæpius
vero lien dolebat, quod optimum esse curationis
signum cl. Archiater Viennensis [4] edixit; id-
circo paucis transactis diebus absque ullo salutis
detrimento in suam regionem reversus est lætus,
& gaudens.

§. IV.

Admirandum nunc apoplexiæ exemplum tibi
narrabo, & qua ratione apoplecticus curatus fue-
rit, attente considera.

Jacebat in Nosocomio Bajulus annorum circiter
40., temperamento pituitoso præditus, pulsibus
frequentibus, & quasi febricitantibus. Hic sæpius
sæpiusque Nosocomium invisit, auxilium quærens
lævis-

(1) Comm. lit. ann. 1739. Hebd. XIV.

(2) Henc. in ast. N. O. T.V. obs. 25.

(3) Fel. exp. 11: inter ea, quæ addit in dis. de mor.
peri. int.

(4) Sw. com. in Boer. aph. §. 23. n. 3.

sævisſimis, ut ajebat, capitis doloribus. Sanguis idcirco pluries detractus fuit, & purgatio adhibita; verum nil proficiens iterum venit in Xenodochium mense Februarii.

Paucis elapsis diebus stranguria laboravit, & postea repente apoplecticus fit absque ulla pulsuum mutatione sensibili; stertentem, & oculis defixis, & immotis invenimus; resolutionem ut ait Aræteus [1] totius corporis & sensus, & motionis facile erat adnotare. Interrogatus nil respondebat, stimulis forti manus compressione vexatus non expergiscebatur, idcirco cum Aegineta (2) sensum comuni nervorum principio affecto, inde in omnibus corporis partibus motum simul, & sensum perdidisse.

Phlebotomiam ullo modo jubere nolimus, quamvis summi in re medica viri Aræteus [3] & Celsus (4), alique praticorum quamplurimi hanc praxim summopere commendent: nam a prædominio lymphæ extravasatæ, uti docuere Boerhaavius (5), & Carolus Piso (6) malum oriri censuimus, idcirco Hyppocraticam (7) doctrinam sequuti sanguinem non detraximus, & monente Boerhaavio (8) ad vesicantia nuçæ primum, deinde tibiis applicata potius confugimus.

Hæc diximus, quia, ut ait cl. Swetenius (9) nihil magis familiare est in praxi, quam ut medici illico ad sanguinis missionem confugiant, ubi apo-

(1) Aræt. de caus. & sig. mor. diut. l.I. cap.VII. pag. 14.

(2) Aegin. lib.III. cap.XVIII. pag. 31.

(3) Aræt. de cur. morb. acut. l.I. cap.V. pag. 31.

(4) Cel. l.II. cap.X. pag. 79.

(5) Boer. aph. 1034.

(6) Pis. de mor. a fer. coll. ort.

(7) Hyp. coac. præn. 343. & 401.

(8) Boer aph. 1034.

(9) Van-Sw. de cog. & cur. morb. de apopl §. 1026.

apoplexia metuitur, Celsi generale [1] axioma sequuti dicentis, *sanguinis detractionem in istis casibus vel occidere, vel liberare.*

Duobus elapsis diebus postquam cervici vesticulatorium impositum fuit exemplo cel. Wepferi [2] paulatim expergisci, & verborum quorundam sonum edere; hinc delirare incepit, & duobus diebus deliravit, & magno erumpente sudore in se rediit; iterum deliravit, & sic apparentibus copiosis sudoribus alternis vicibus a morbo liberatus est.

Multa quidem exempla in medicorum observationibus extant, a vi morborum mentis sanitatem deperditam esse, & multa Hallerus [3] enarrat, & Galenus (4) ante ipsum hæc observavit; verum hujusce periodici delirii post apoplexiam orti nulla apud auctores mentio. Interim hæc considerantibus nobis licuit de hac permutatione paroxysmi apopletici a delirio solati nonnullas iniicere conjecturas, & Hallerianas theorias parumper perpendere.

Variae sunt vires, quæ ad motum muscularem peragendum concurrunt, quarum majores sunt stimulus, nervi, vis insita contractilis musculorum, & sanguis, ut optime edixit Hallerus (5), itemque partes sensibiliores non esse contractiles; & e contra dari contractionem absque sensus necessitate docuit supra laudatus cl. auctor [6].

Quæ cum ita sint, maxime requiritur ad integritatem vitæ, arteria libera, & sanguinis expeditum ad omnes partes iter; eo intercepto causa vitæ ablata est, atque adeo ea omnia disparent, quæ a vita sequuntur motus, sensus, & calor [7].

B

Nunc

(1) Cel. L III. cap. XXVII pag. 178.

(2) Wepf obs. med. prat. de aff. pag. 71. & 229.

(3) Hall. Phys. L XVII. sec. I. § 6 & 9.

(4) Gal. de sym. caus. L II. cap. VII.

(5) Hall. lib. XI. sect. IV. § 8.

(6) Hall. opus. min. diss. 13. sect. 8. exper. 161. p. 365.

(7) Hall. Phys. lib. XI. sect. III. § 20.

Nunc quæso his doctrinis nostram apoplexiam quomodo explicabimus? A serosa cellulæ cerebro inundato cessaverunt illico sensus, & motus voluntarii, delirio superveniente redierunt sensus, & motus. Cessavit ne stimulus ab opprefione substantiæ obstupescens? Iterum rediit ne superveniente stimulo fortiori materiæ, quæ affectu ad inflammationem accedebat, uti edixit Morgagnus (1)? Verum nervum immotum manere dum musculus ab irritato nervo in tremores agitur, dixit & ipse Hallerus (2).

Hæc igitur an revera evenerint in nostro apopletico edicere non audemus, & an vera sint doctissimorum virorum iudicio relinquemus: tantas enim componere lites nobis non licet. Interim vere asserimus apoplecticum solis vesicatoriis, & delirio inde oborto, & copiosis sudoribus erumpentibus apoplexiam superasse. Nunc aliqua nobis placet adjungere, quæ in Morgagno (3) legimus. Diximus superius nostrum ægrotum priusquam apoplexia correptus esset stranguria laborasse. Factum crediderim, ut cum feri quo sanguis redundabat nihil amplius recipere urinaria instrumenta possent quippe distentissima, quod reliquum erat in cerebrum aut irruerit, aut destillaverit, & sic hominem apoplecticum fecerit. Idem evenisse in stabulario testatur & ipse Morgagnus (4).

§. V.

Duos emoptoicos curavimus hoc eodem mense, juvenes ambo, verum ætate impares. Senior temperamento erat pituitoso, collo oblongo. & depresso thorace. Tussi nocturna vexabatur, & tussiendo sputum sanguinolentum emittebat: gravis quoque erat respiratio post motum præsertim quan-

(1) Mor. ep. anat. med. VII. art. 16.

(2) Hall. opus min. T. I. exper 161.

(3) Mor. ep. anat. med. IV. art. 10.

(4) Morg. loc. cit.

quantumvis levem. Hic equitare coactus, quam commendavit Sydenamius (1) in his morbis equitationem minime utilem deprehendit, & diebus autumnalibus vehementer, & acute fermocinatus consilia cel. Sanctorii (2), qui emoptoici sacri Oratoris exemplo comprobavit felicem eventum, valde noxia expertus est. Magnam enim pulmonaris sanguinis copiam ore ejecit, & omnia in pejus ruere cæperunt: non omnia omnibus prodesse auxilia dixit cl. Morgagnus (3).

A Ramazinianis (4) potius præceptis, & doctrinis morbi hujus levamen, & juvamentum percepit. Quictus enim vivere constituit, & exercitia corporis violentiora effugere: verum tussis vexabatur, & interdum sputa sanguinolenta eiciebat. Sanguinem huic detraximus, sic impetum a pulmone cohibuimus, deinde specifico Helvetiano, & postea lacte vaccino multa aqua diluto usi sumus. In melius curatio processit, & quamvis sanguis omnino non evanuerit, attamen tussis sedata fuit, & proxima veris tempestate dietam lacteam Mortoni (5) methodo imperavimus.

Junior annorum 20. sanguinem tussiendo eructabat: huic etiam phlebotomiam imperavimus, & quæ ad pulmonem spectant medicamentis statim usi sumus.

Sanguinem superne effundere, qualiscumque fuerit, malum, dixit Celsus (6), ideoque de pulmone valde timebamus; at in aliis sedibus morbum inesse Ballonius (7) nos admonuit.

Et re vera omnibus pulmonaribus, & balsa-

B 2

mi-

(1) Syd in dis. epist. ad Gug. Colè.

(2) Com. in art. med. Gal. cap. LXVII. part. 2.

(3) Morg. epist. anat. med. T. I.

(4) Ram. de morb. art. cap. XXXVII.

(5) Mor. Phrysiæ.

(6) Cel. in lib. de med.

(7) Ball. T. I. pag. 41.

micis medicamentis irritis, nos domi die invifentis hypocondria leviter tangentes pulfationem, & pal-pitationem quamdam perfenſimus, & motus ſan-guinis, qui ab hypocondriis ſuperiora verſus effe-rebatur, interdum ſas erat diſtinguere, & tunc ſanguis eiciebatur e pulmonibus.

Auxiliis pulmonaribus neglectis ad hypocon-dria etiam atque etiam incumbere cœpimus, & le-ni purgatione, & veneto ſapone imperato cura-tionem inſtituimus, & æger in melius ſe habere cœpit.

Si ambas hæce emoptoicorum curationes aſpi-cias, Vir Excellentiffime, non comunem prorsus ultimæ emeptiſis curationem in praticis invenies, & hitoriam; neque paſſim nobis licet hæc obſer-vare. In Ballonio (1) unum invenies exemplum, & in Baglivio (2) adumbratum tantum cognofces.

§. VI.

Sed jam ad diſſectiōnes Cadaverum veniamus.

Venit in Noſocomium Ruticus annorum circi-ter 60. ſanguineo præditus temperamento. Hic poſtſidie ejus diei, quo venit in Noſocomium pul-rem quamdam ex ovis, & cæpis confectam una cum omnibus familiaribus, & domeſticis læte, ala-criterque, ut ajunt, cenavit.

Elapſis a cena duabus horis, paulatim ſtoma-cum dolere, & a vomendi conatu torqueri cœ-pit: interim ventriculi dolores ſic augebantur, ut in lypothimiam incideret. Interea totum abdomen cœpit in tumorem attolli, & ſic poſtea facies, ma-nus, cæteræque corporis partes. Sic in Noſocomium delato, varia auxilia ab adſtantibus Medicis ſunt imperata, vomitoria ſcilicet radice hipecacuanæ compoſita, & oleum amygdalinum cum laudano; verum omnia irrita fuere; erat enim præter dolo-rem moleſtiſſimus quidam toto ventre inexplicabi-lis

(1) Ball. loc. cit.

(2) Bagl. de hæm. in acut. §. I pag. 44.

lis angor, a quo stomachum convelli aeger maximopere quærebatur: tandem pulsum intermittentia oborta, citissime mortuus est.

Cadaver postridie secandum jussimus, & dissectioni præfuere optimus Dissector Felicius & peritissimi Juvenes Mascagnus, & Semensius.

Primum omnium animadversum est cadaver lividum, & præsertim in superiori parte, & tumor in stomacho, & in ventre apparuit.

Pectore, & abdomine mox apertis, ventriculū, & intestina aere turgida conspeximus; ventriculū vero solum inflammatum, & rubescentem.

Intra thoracem, & abdomen omnia secundum naturam se habentia, & posita occurrerunt, excepto hepate, quod una cum ventriculo maxima inflammatione affectum esse vidimus.

Stomachum aperuimus, & totum illius cavum inflammatione nigerrimum corrosū, & quibusdam in locis gangrenatum invenimus. Insidebat in isto, & præsertim ubi erat inflammatio, & erosio materia quædam nigerrima, & crassissima amurcæ vere simillima, graveolens, quam collegimus, ut de ea tentamina instituerentur.

Fortasse credes Vir Excellentissime ex allata historia veneno enecatū hominem fuisse, & non immerito quidem; nam ex Ruischianis (1) observationibus præclare intelligitur primum, ac proprium devorati arsenici effectum edi in ipsas intimas canalīs alimentorum tunicas: verum ab aliis evenisse causis, merito pronunciamus, & a bile acri, & erodente in venenum mutata mortem, & venenata symptomata evenisse aperte confitemur Swetenii [2], & Friderici Hoffmanni [3] auctoritate innixi, & cum cl. Morgagno [4] opinamur a

B 3

pra-

(1) Ruif. thes. anat. n. 3 4 & 5.

(2) Van-Sw. com. in Boer. aph. §. 84.

(3) Frid. Hoff. diss. de bile med. & ven. nos corp.

(4) Morg. Epi. an. med. LIX n. 16.

prava ipsa humorum dispositione interdum aliquando posse venenum gigni, quam sententiam sequutus est Dominicus Brogianus (de ven. animan. nat. & acquis. p. 150.) Floren. Med. Cel. & in Acc. Pis. Anat. Prof., aliq. clariss. Viri.

Et revera de pulte suspicandum non est; omnes enim domestici, qui item eam ederunt, nulum recipere damnum, & nunc optime valent; solus senex grave retulit detrimentum, & morte multatus est. Igitur a prava corporis dispositione, ut supra diximus, & humorum, bilisque præsertim corruptela acquisitum venenum in ventriculo originem habuisse innuimus.

Neque huic nostræ opinioni minus favet totius ventriculi inflammatio, & gangrena, uti in dissectione vidimus: non semper enim gangrenam effectum esse inflammationis, neque inflammationem signum esse gangrenæ demonstravit cl. Sarconius (1). Dantur enim gangrenæ absque ullo inflammationis signo, uti dixere cl. Sauvagius (2) & Swetenius (3). Hinc optime Boerhaavius [4] memoriæ prodidit singularem gangrenæ speciem esse, quæ sine febre, & inflammatione fit &c., & Quesney apud Clericum, ut videre est in commercio litterario florentino, vulgo dicto *Magazzino Toscano* (5), credidit gangrenam effectum potius esse materiæ ærodentis ab inflammatione prodeuntis, quam inflammationis. Has doctrinas in nostro sene comprobatas vidimus. Hepar enim inflammatum absque ullo præcedenti inflammationis signo, ventriculum gangrenatum sine anterioris inflammationis comitibus conspeximus.

Materia itaque illa nigerrima, quæ in ventricu-

(1) Sar. hist. rag. dei mal. off. in Nap Par. II. §. 638. p. 500.

(2) Sauv. dis. de oper. aer. in cor. hum §. 120.

(3) Sw. Com. in Boer. aph. in tit. de gang.

(4) Boer. aph. 420.

(5) Mag. Tos. T. IV. Par. II. p. 7.

culo inventa est tanta damna excitavit, & corrosivi veneni indolem acquisivit, & hanc bilem esse diximus scribente cl. Hoffmanno (1): sic & veteres quoque Medici (2) eosdem fieri effectus agnoverunt, & a læthalis veneni potione, & a corruptione, quæ a corpore ortum habeat, ut venenitum qualitates, tum vires æquet.

Hoc verum esse sequentia ostendunt experimenta.

Micam panis illa bile admixtam devoravit pul-
lus gallinaceus: haud multo post tremens, & convulsus periit. Catellus pulsem carne, & eadem materia confectam cum edisset, diris nifibus vomendi vexatus, tandem post horæ quadrantem inflatus mortuus est. Hæc tentamina domi fecimus.

Hippocrates [3] sane exempla refert morborum a bile profluentium, in quibus iisdem ægri effectibus correpti sunt, ac infelices illi, qui veneni periculum fecerunt. Quæ autem habenda sit fides supra recensitis experimentis, & auctoritatibus, nos Morgagno [4] duce periculum fecimus: cætera flocci: acerrimas enim medicorum contentiones, quæ in observandis oblatis veneni cadaveribus, emanarunt (5), libenter omittimus.

Nunc aliquid dicendum est de curatione. Vomitorium, & oleum prudenti ordinatione imperatum est, & præsertim amygdalinum cum laudano commixtum a prudenti, & ingenioso Pagliajo Medico adstante propositum, summis laudibus merito extollimus probante cl. viro Joanne Gentili (6).

Vomitorium vero non improbamus a diligent-

(1) Hoff. hist. corp. hum. anat. cap. XIV. §. 394.

(2) Vide Gal. L. VI. de loc. aff. cap. V.

(3) Hyp. L. V. de morb. pop.

(4) Mor. epist. ant. med. LIX. art. 18.

(5) Vide Bohnium de offi. med. for. Paul. Zacc. L. II. T. II. quæst. 6 Cefal. L. III. cap. VII.

(6) Gen. annor. alla pag. 64. v. 5: della lett. filosof.

titissimo Semenſi exhibitum præſertim ſi morbus in initio ſuperandus eſſet: verum non ſemper vomitoriis res bene procedit; ſunt enim qui natura ad vomendum minus ſunt prompti, & inani vomendi deſiderio ſtimulantur, uti docet Weſperus [1], & ſi cito æger non vomat ſuſpecta bona ſua debet habere.

Ne longum faciamus teſte cl. Morgagno (2) affirmamus lacte ac ſero, ſi poſſibile foret, hominem fortaſſe ſervari potuiſſe, quorum copia quidquid venenatæ biliſcæ materiæ, aut ejus effectum in ventriculo reſtabat irretiendo, diluendo, abſtergendo, & per alvum educendo omnis venenata vis ſuppreſſa foret. Hæc teſtatur Baccius [3] & ipſe Morgagnus (4).

§. VI.

Sectionem nunc audi hominis pleuritici, qui poſtea peripneumonia biliſca occubuit.

Decumbebat in Xenodochio Ruſticus annorum circiter 40. biliſco, & cachetico temperamento. Querebatur de lateris dolore, febre laborabat acuta, & vires erant fractæ, & deperditæ: pulſus molles, fugaceſque. Tertio morbi die aucta ſpirandi difficultas, ſputa pauciora, craſſa, denſa, & flava, iteratæ ventris dejectiones: in lethargum tandem incidit die ſeptimo, & ſic ſæviore in dies facta morbi impetu, intermiſſio pulſuum acceſſit, & biliſcæ per ſeceſſum materiæ ejectionio.

Decimo tertio die pejora erant facta omnia, & inſequuta nocte, inter crebras intermiſſiones deficere pulſus cæpit, & ſuppreſſis ſputis, & conſopito lateris dolore decimo quinto ineunte die vivendi finis eſt factus.

Thorace aperto pulmo dexter pleuræ ſic adhæ-

re-

(1) Veſp. ſepul. ſect. X. in ſchol. ad obſ. 3.

(2) Morg. Ep. ant. med. LIX

(3) Bac. de ven. ubi de part. præ. n. 1.

(4) Mor. loc. cit. n. 6.

rebat, ut vim adhibere opus fuerit ad hanc coalescentiam superandam, ut in aliis casibus evenisse dixit Morgagnus (1). Eundem pulmonem nec inflammatione vehementi, neque abscessu, nec supuratione tentatum fuisse vidimus.

Observatione dignum existimamus pulmonem in lobo tantum dextro auctum esse, & tumore, & duritie, & substantia, bilibrem quasi diceret, & nos admirati sumus. Videtur & Hyppocrates [2] illud observasse: dixit enim, *cum in pulmonem fluxio facta fuerit . . . major redditur, & lobi majores redditi utrumque latus attingunt, & peripneumoniam faciunt*: & alibi (3) de eodem morbo agens dicit, *hic tumor potissimum a sanguine ortum ducit; cum pulmo in se sanguinem attraxerit, & acceptum retinuerit*.

Eandem observationem nobis tradidit Fridericus Hoffmannus [4], quam cl. Swetenius [5] pulcrum vocavit.

His igitur auctoritatibus, & observationibus nostrum ægrotum vera sanguinea pulmonia laborasse manifeste apparet. Verum ex supra recensita historia cognosces ex perniciosarum, & mollium pleuritidum genere, ut ait Hyppocrates (6) ægrotum occubuisse. Erat enim febris acuta, pulsus parvus, & debilis, anxietas, lethargus, doloris exsurdatio, sputum flavum, biliosum, crassum, & ventris biliosa solutio, & sic infra humore fecedente, ut idem Hypp. ait (7) sputi purgatio sursum non prodibat: quamobrem alibi pronuntiavit

Cous

(1) Morg. ep. ant. med. de pest. lat. & dor. dol. XX.

(2) Hyp. lib. de loc in hom cap. VII

(3) Hyp. de int. aff. cap. VII pag. 643.

(4) Frid. Hoff. med. rat. syst. T. IV. sect. II. Cap. VI. obs. I. Idem diss. X. de gen. mor. in morb. pag. 518.

(5) Van-Sw. com. in Boer. aph. 814.

(6) Hyp. de morb. l. III. n. 16.

(7) Hyp. loc. cit. n. 17.

Cous Senex (1) a morbo laterali habito alvi profluvium adveniens, malum. Pessimum vero dixerunt optimi pratici Baglivius (2), & Riverius (3), & Sennertus (4) signum esse in pleuritide & peripneumonia, si dolor absque ulla symptomatum remissione, ut in nostro ægroto accidit, evanuerit; gangrenam enim obortam, & partes jam sensu destitutas esse prædicant auctores, unde cita mors expectanda; dolere enim debent inflammatae membranae pulmonem vestientes, & ipsis contiguæ ob nervos in ipsas immixtos, uti vult Schneiderus (5), & uti confirmat Vieussenius (6), qui nerveas quamplurimas fibras in eas desinere tradidit.

At in nostro ægroto nec gangrenam, nec magnam phlogosim, nec suppurationem invenimus: unde igitur morbus, & mors? Dicimus cum Hypocrate [7] non repente morbos hominibus accidere, sed paulatim collectos acervatim apparere. Jamdiu parabantur morbosæ dispositiones, quæ postea accedente biliosa colluvie auctæ sunt, & in pulmone sævierunt (indurati enim pulmones semper simul syderati depræhenduntur, sic testatur Wepferus [8], & nos ita observavimus) & humores labefacientes, & nervorum obtupefcentiam, posteaque mortem attulerunt. Vide igitur quot, & qualia conspiraverint ad nostri ægroti exitium: poterant vires peripneumoniæ superari, nisi biliosa vis, & putrida colluvies cætera damna, & inevitabile fatum non attulisset. Sed de his hæcenus.

§. VII.

Ascitici nunc dissectionem audi.

Ve-

(1) Hyp. sec. VI. aph. 16.

(2) Bag §. de pleu.

(3) Riv. de peripn.

(4) Sennert. med. prat. L II.

(5) Schnei. dis. de perip. cap. II. §. 26.

(6) Vieuf. Neur. L. III. cap. IV.

(7) Hyp. de diet. n. 3.

(8) Wepf. in sep. L. IV. §. 3. in addit.

Venit hoc mense in Nosocomium asciticus ventre turgido, & in magnam molem elato, scroto, pudendisque mirum in modum ob feri effusionem inflatis, macie confectus, viribus deperditis, pulsibusque febricitantibus. Solitis symptomatibus, quæ asciticos comitari solent, vexabatur æger, scilicet siti, tussi, anxietate &c., & quod erat admirandum non poterat æger in dorsum quiescere, verum semper supra abdomen incumbere coactus est.

Non unis adhibitis auxiliis nihil profectum est, & novissime cum alvus ex dura facta esset laxior, & persistente fluxu cum venter non decreveret, vires in dies frangebantur, ideoque prædicente Hyppocrate (1) citissime & sentiens, & loquens obiit diem supremum.

Postridie dissectio incepta, & pertuso abdomine vis aquæ ingens emissæ est sic graveolens, ut nihil amplius: quæ prima effluxit fuit subflava, deinde tenuis, & subalbida. Postea visceribus perlustrandis operam dedimus, & præsertim jecori, & lieni, cum præstantissimi Anatomici, & Medici in his visceribus morbi sedem & originem haud raro recognoverint. Verneyus [2] junior in asciticis duabus virginibus per dissectionem jecur male affectum observavit.

Idem testantur Naturæ Curiosus [3] & clariss. Lentilius [4] Epar, & Lienem in Ascitico magnum fuisse constitetur.

Nos vero in nostro Ascitico hæc vitia non aspeximus, & quidem admirantes; nam morbum qui in primis a retardato motu sanguinis plerumque solet oriri, a vitio viscerum provenire crededamus, ubi ex instituto naturæ sanguine retardato causæ remorantes adjunguntur.

Jecur

(1) Hypp L. IV. de morb.

(2) Ver mem. des acc. roy. des. Scienc. an. 1701. & 1703.

(3) A& N. C. dec. 3. Ann 5. & 6. obs. 276.

(4) Eph. N. C. cent. 1. 2. obs. 168.

Jecur in primis cum aspeximus inalteratum, & naturale invenimus: omnia in abdomine sana, & naturalia; lienem non admodum a naturali statu discessum: nec hydatides, nec obstructions in glandulis mesenterii invenimus. In thorace pulmonum adhærentiam vidimus, & præsertim in dextro. In Pericardio vero nihil humoris, & ipsum per fibras multas membranaceas cordi se annexere incipiebat; in cordis ventriculis polyposa fuit concretio. & in auriculis concretus sanguis.

Nulla alia præter naturam inventa; ideoque dissectioni finem fecimus.

Cur hic æger in dorsum cubare non posset statim intelliges, simul ac cogitas a pondere aquarum, Abdominis caveam ampliore fieri; toto enim pondere Abdominis musculus commisso Diaphragma altius non impellebatur; hinc in abdomine melior quies, meliorque respiratio.

Sed cur hydropici cuncta viscera bene se haberent, nescimus qua ratione totum abdomen aqua turgeret, & cur æger in ascitem inciderit.

Meminimus historiarum Dodonei (1) & Platæri, qui salva epate & liene hydropein secutum fuisse demonstrarunt, verum vitium in renibus, & ureteribus invenerunt præmonstrante Eustachio (2) & docente Galeno (3). Nos nihil aliud quam supra enarravimus cadaver perlustrantes invenimus; vides igitur cur morborum origines non facile interdum possint explicari; quamobrem cum clariss. Morgagno affirmamus [4] vix quandoquidem aut ne vix quidem comperiri posse quid morbum faciat, & quid hominem interficiat.

Sed jam satis tua patientia abusi sumus, Vir Excellentissime, interim obsecro ut hæc nostra scripta perlubenter accipias, & enixe tuis foveas patrociniis.

(1) Sepul. sec. 21. obs. 25.

(2) Eust. Tract. de renib. cap. ultim.

(3) Gal. de nat. facul. lib. 1. cap. 13.

(4) Morg. Epist. Anat. Med. XLIX. n. 1.